

Bosna i Hercegovina
Federacija Bosne i Hercegovine
Tuzlanski kanton
Grad Tuzla



**Služba za kulturu, sport, mlade
i socijalnu zaštitu**

Broj: 17-11-12829-2022

Tuzla, 2.8.2022. godine

Na osnovu člana 5. Pravilnika o kriterijima i postupku raspodjele sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta („Službeni glasnik Grada Tuzla“, broj: 13/21) i Programa utroška sredstava iz Budžeta Grada Tuzla za 2022. godinu sa pozicija Grantovi za kulturne manifestacije i Grantovi za sportske manifestacije, broj: 17-31/22 od 26.1.2022. godine, Služba za kulturu, sport, mlade i socijalnu zaštitu Grada Tuzla, dana 2.8.2022. godine, objavljuje:

JAVNI POZIV
za dodjelu sredstava iz Budžeta Grada Tuzle za 2022. godinu za
finansiranje/sufinansiranje manifestacija iz oblasti sporta

I - Predmet javnog poziva

Predmet javnog poziva je dodjela sredstava za finansiranje/sufinansiranje manifestacija iz oblasti sporta iz Budžeta Grada Tuzle za 2022. godinu. Namjenska sredstva planirana su na poziciji „Grantovi za sportske manifestacije“ u iznosu od 24.900,00 KM.

Navedena sredstva će biti dodijeljena za finansiranje/sufinansiranje manifestacija iz oblasti sporta koje se realizuju u toku tekuće godine u sljedećim prioriternim oblastima:

- a) sportska takmičenja osnovnih i srednjih škola,
- b) manifestacije koje podstiču afirmaciju i razvoj sporta,
- c) sportska domaća i međunarodna takmičenja koja se realizuju u gradu Tuzli,
- d) međunarodne sportske manifestacije i takmičenja koja će promovisati grad Tuzlu u zemlji i inostranstvu.

II - Pravo učesća

Pravo na dodjelu sredstava po ovom Javnom pozivu mogu ostvariti neprofitne organizacije (udruženja i fondacije) sa sjedištem na području grada Tuzle (u daljem tekstu: aplikanti) koje ispunjavaju sljedeće opće uslove:

- a) da su osnovane i registrovane u Bosni i Hercegovini,
- b) da su vođene od strane državljana Bosne i Hercegovine,
- c) da im je registrovana djelatnost u skladu sa prioriternom oblasti u okviru koje predlažu manifestaciju,
- d) da ne obavljaju aktivnosti u ime političkih partija i
- e) da manifestacije za koje se traži podrška realizuju na području grada Tuzle ili izvan područja grada Tuzle ukoliko doprinose promociji grada.

Sredstva se mogu dodijeliti i aplikantima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je implementacija manifestacije od interesa za grad Tuzlu, što će se cijeliti u svakom konkretnom slučaju.

III – Prijava na Javni poziv

Prijava na javni poziv podnosi se na propisanom prijavnom obrascu koji je potrebno elektronski popuniti a koji se može preuzeti na zvaničnoj internet stranici Grada Tuzle (grad.tuzla.ba). Prijavni obrazac obavezno treba sadržavati:

- a) podatke o aplikantu,

- b) podatke o manifestaciji (naziv i opis uz naznaku ukoliko je manifestacija tradicionalna odnosno ukoliko je već finansirana sredstvima iz Budžeta Grada Tuzle; ciljevi, aktivnosti i očekivani rezultati; ciljne grupe; značaj manifestacije za lokalnu zajednicu),
- c) opisni izvještaj o manifestacijama realizovanim u prethodne četiti (4) godine.

Uz popunjen prijavni obrazac aplikanti su obavezni dostaviti sljedeće:

1. Detaljno razrađen finansijski plan za realizaciju manifestacije na propisanom obrascu za budžet, elektronski popunjenom i potpisanom od strane odgovorne osobe aplikanta,
2. Kopija lične karte ili uvjerenja o državljanstvu za odgovornu osobu aplikanta,
3. Podaci o stručnosti osoba koje realizuju i učestvuju u manifestaciji (kraća biografija),
4. Rješenje o upisu u registar,
5. Identifikacioni broj,
6. Uvjerenje o izmirenim obavezama prema javnim prihodima (uvjerenje izdato od strane nadležne porezne uprave, ne starije od 30 dana od dana objavljivanja javnog poziva),
7. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha) osim ako je udruženje registrovano u godini objavljivanja javnog poziva i
8. Zvaničan dokument banke o otvaranju transakcijskog računa aplikanta.

Aplikant uz prijavni obrazac dostavlja fotokopiju prethodno navedene dokumentacije (osim dokumentacije iz tačke 6. koja treba biti u originalu ili ovjerenoj fotokopiji) a originalni dokumenti će biti zatraženi na uvid po potrebi ukoliko sredstva za finansiranje/sufinansiranje manifestacije budu odobrena.

Jedan aplikant može podnijeti najviše dvije (2) prijave za manifestacije koje se održavaju u toku tekuće godine s tim da se za svaku manifestaciju podnosi posebna prijava. Aplikanti kojima su već odobrena sredstva za jednu manifestaciju sa pozicije „Grantovi za sportske manifestacije“ po prethodnom javnom pozivu, mogu aplicirati samo sa jednom aplikacijom. Prijavni obrazac i obrazac budžeta manifestacije objavljeni su u prilogu ovog Javnog poziva.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje. Neće se uzeti u razmatranje ni prijave aplikantata:

- a) koji nisu izvršili svoje obaveze u vezi sa ranije doznačenim (odobrenim) finansijskim sredstvima iz Budžeta Grada Tuzle,
- b) u kojima su troškovi osoblja i kancelarijski troškovi viši od 20% u odnosu na ukupan budžet manifestacije,
- c) koji ne izmiruju obaveze prema javnim prihodima,
- d) čiji je rad usmjeren na političke aktivnosti,
- e) koje su namjenjene za isključivu dobit pojedinca,
- f) u kojima aktivnosti manifestacije nisu definisane u skladu sa prioriternim oblastima iz tačke I ovog Javnog poziva,
- g) za aktivnosti koje su u toku tekuće godine već podržane sredstvima sa drugih pozicija iz Budžeta Grada Tuzle,
- h) čije manifestacije su u postupku po Javnom pozivu za dodjelu sredstava iz Budžeta Grada Tuzle za 2022. godinu za finansiranje/sufinansiranje manifestacija iz oblasti kulture i sporta, objavljenog 16.2. a zatvorenog 9.3.2022. godine, ocijenjene sa manje od 35 bodova (ukoliko se aplikant prijavi sa istom manifestacijom) i
- i) kojima su već odobrena sredstva za dvije manifestacije po pomenutom Javnom pozivu.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i postupku raspodjele sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta („Službeni glasnik Grada Tuzla“, broj: 13/21) i Programom utroška sredstava iz Budžeta Grada Tuzla za 2022.

godinu sa pozicija Grantovi za kulturne manifestacije i Grantovi za sportske manifestacije, broj: 17-31/22 od 26.1.2022. godine.

Minimalan iznos sredstava za dodjelu po jednoj aplikaciji je 400,00 a maksimalan 4.000,00 KM. Visina sredstva za dodjelu će se određivati u skladu sa utvrđenim brojem bodova za manifestaciju prema sljedećem okvirnom rasponu:

Broj bodova	Iznos sredstava za dodjelu (KM)
36 - 41	400,00 - 1.000,00
42 - 47	1.000,00 - 2.000,00
48 - 53	2.000,00 - 3.000,00
54 - 60	3.000,00 - 4.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost predložene manifestacije i traženi iznos sredstava iz Budžeta Grada Tuzle.

Iz odobrenih budžetskih sredstva aplikanti mogu finansirati troškove osoblja, kancelarijske troškove, putne troškove, troškove pripreme i realizacije aktivnosti u okviru podržane manifestacije te troškove vidljivosti manifestacije.

V – Mjesto i rok dostave prijave na javni poziv

Prijave na javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla

sa naznakom „Javni poziv za dodjelu sredstava iz Budžeta Grada Tuzle za 2022. godinu za finansiranje/sufinansiranje manifestacija iz oblasti sporta“
- Ne otvarati“

Javni poziv je otvoren 21 dan od dana objavljivanja, a krajnji **rok za predaju aplikacija je 23.8.2022. godine**. Aplikacije koje budu pristigle poslije navedenog roka bit će razmatrene jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta te puni naziv manifestacije za koju aplicira.

VI - Način objavljivanja rezultata i dodatne informacije

Nakon završenog postupka odabira na zvaničnoj internet stranici Grada Tuzle (grad.tuzla.ba) bit će objavljena Lista o odabiru aplikacija koja će sadržavati odabrane aplikante kao i aplikante koji nisu ispunili uslove javnog poziva sa naznakom koji uslov nije ispunjen.

Sve dodatne informacije o načinu i postupku prijave na Javni poziv mogu se dobiti u Službi za kulturu, sport, mlade i socijalnu zaštitu Grada Tuzle, putem telefona: 035 307-327, 307-317 i 307-304 te slanjem pitanja na e-mail adresu: asja@tuzla.ba, sa naznakom „Javni poziv sportske manifestacije“.

Služba za kulturu, sport, mlade
i socijalnu zaštitu